

ԳԻՏՆԱԿԱՆԸ, ՔԱՂԱՔԱՑԻՆ, ՀԱՍԱՐԱԿԱԿԱՆ ԳՈՐԾԻՉԸ
(ՀՀ ԳԱԱ ակադեմիկոս Մ. Գ. Ներսիսյանի ծննդյան
95-ամյակի առթիվ)

ՄԷՆԵՐ ԿԱՐԱՊԵՏՅԱՆ

2005 թ. նոյեմբերի 25-ին լրացավ ականավոր պատմաբան, ՀՀ ԳԱԱ ակադեմիկոս, ՀՀ գիտությունների վաստակավոր գործիչ, «Պատմա-բանասիրական հանգեսի» հիմնադիր և շուրջ 40 տարի նրա անփոփոխ գլխավոր խմբագիր Մկրտիչ Գեղամի Ներսիսյանի ծննդյան 95 տարին, գիտնական, որը Հայ ժողովրդի նոր և նորագույն պատմության արգելական հիմնահարցերին նվիրված մեծարժեք աշխատություններով հարստացրել է պատմական գիտությունը:



Մ. Ներսիսյանը ծնվել է 1910 թ. Երևանի նահանգի Աշտարակի օկրուգի Փարսի գյուղում: Սկզբնական կրթությունն ստացել է Հայրենի գյուղում, այնուհետև ուսումը շարունակել Երևանի Խ. Աբովյանի անվան միջնակարգ դպրոցում:

1927-ին ընդունվել է Երևանի պետական համալսարանի պատմաբանասիրական ֆակուլտետը, որն ավարտել է 1931-ին: Դեռևս 1930-ական թվականներին երիտասարդ պատմաբանը հրատարակել է մի շարք աշխատություններ՝ նվիրված Հայաստանում և Անդրկովկասում հեղափոխական շարժումների պատմությանը: Այդ շրջանում նա հոդվածներ ու գրքեր է հրատարակել Ստեփան Շահումյանի, Բաքվի կոմունայի, Մայիսյան ապստամբության, 1918–1920 թթ. Հայաստանի տնտեսական և քաղաքական գրություն և այլ հիմնահարցերի մասին: Մ. Ներսիսյանը պրոֆեսոր Կարո Ղազարյանի հետ կազմեց «Առաջին մասսայական հեղափոխական շարժումները Հայաստանում» փաստաթղթերի արժեքավոր ժողովածուն, որը լույս տեսավ 1932-ին: Երկրորդ ժողովածուն, որը կազմվեց Մ. Ներսիսյանի ակտիվ մասնակցությամբ, հրատարակվեց 1935-ին՝ Հայաստանի կոմկուսի Կենտկոմի առաջին քարտուղար Աղասի Խանջյանի առաջաբանով, նվիրված է Հայաստանում առաջին «Սպարտակ» կոմունիստական երիտասարդական միության պատմությանը:

Հոլմյանի, Բաքվի կոմունայի, Մայիսյան ապստամբության, 1918–1920 թթ. Հայաստանի տնտեսական և քաղաքական գրություն և այլ հիմնահարցերի մասին: Մ. Ներսիսյանը պրոֆեսոր Կարո Ղազարյանի հետ կազմեց «Առաջին մասսայական հեղափոխական շարժումները Հայաստանում» փաստաթղթերի արժեքավոր ժողովածուն, որը լույս տեսավ 1932-ին: Երկրորդ ժողովածուն, որը կազմվեց Մ. Ներսիսյանի ակտիվ մասնակցությամբ, հրատարակվեց 1935-ին՝ Հայաստանի կոմկուսի Կենտկոմի առաջին քարտուղար Աղասի Խանջյանի առաջաբանով, նվիրված է Հայաստանում առաջին «Սպարտակ» կոմունիստական երիտասարդական միության պատմությանը:

1937-ին Մ. Ներսիսյանը պաշտպանեց թեկնածուական դիսերտացիա՝ «Նարոզնիկական կազմակերպությունները Անդրկովկասում 1870–1880-ական թվականներին» թեմայով: Այդ հետաքրքիր ուսումնասիրությունը, որը լույս տեսավ 1940-ին, նոր և կարևոր խոսք էր պատմադրություն մեջ:

Հայրենական Մեծ պատերազմի առաջին իսկ օրերին Մ. Ներսիսյանը կամավոր մեկնում է ռազմաճակատ և արիաբար կոչվում ֆաշիստական դավթիչների դեմ: Ծանր վիրավորվելով՝ նա վերադառնում է Երևան և որոշ ժամանակ անց վերստին ձեռնամուխ լինում պատմության կարևորագույն հիմնահարցերի մշակմանը:

Ակադեմիկոս Մ. Ներսիսյանի գիտական հետաքրքրությունների գլխավոր առարկաներն էին XVIII–XIX դարերի ուսու-հայկական և ուսու-կովկասյան քաղաքական կապերի, ինչպես նաև XIX դարի հայ ազգային-ազատազրական շարժման, Հայաստանում XX դարասկզբի հեղափոխական շարժման պատմություն հիմնահարցերը:

Նշված հիմնահարցերի ուսումնասիրման բնագավառում Մ. Ներսիսյանն աշխատեց շուրջ կես դար: Դեռևս 1944-ին լույս տեսավ նրա «Ա. Սուվորովը և ուսու-հայկական հարաբերությունները 1770–1790-ական թթ.» աշխատությունը, որը հետագայում՝ 1981-ին, էական լրացումներով հրատարակվեց ուսուներեն: 1956–1961 թթ. ուսուներեն լեզվով հրատարակվեց նրա կազմած «Ռուս-հայկական հարաբերությունների պատմությունից» հոդվածների կրկնատոր ժողովածուն, որում քննարկվում են XVIII–XIX դարերի ուսու-հայկական հարաբերություններին վերաբերող մի շարք հարցեր:

1958-ին հրատարակված «Դեկաբրիստները Հայաստանում» աշխատություն մեջ, որի ուսուներեն տարբերակը լույս տեսավ 1975-ին, հեղինակը, օգտադործելով հարուստ արխիվային նյութ, պարզում է Կովկաս արևմտյան դեկաբրիստների թվաքանակը, ցույց տալիս նրանց ակտիվ մասնակցությունը 1826–1828 թթ. ուսու-պարսկական և ուսու-թուրքական պատերազմներին, այդ հեղափոխականների դերը պարսիկ խաների ու բեկերի ծանր լծից Արևելյան Հայաստանի ազատագրման գործում:

Արժեքավոր գիտական ուսումնասիրություն է Մ. Ներսիսյանի «1812 թվականի Հայրենական պատերազմը և Կովկասի ժողովուրդները» աշխատությունը, որը լույս տեսավ 1965-ին՝ ուսուներեն լեզվով: Նրանում պատմական նոր փաստերի ու հարուստ նյութի հիման վրա ցույց է տրված Անդրկովկասի և Հյուսիսային Կովկասի ժողովուրդների, Կովկասի լեռնականների, Կուբանի կազակների, կալմիկների մասնակցությունը ուսու ժողովրդի 1812 թ. Հայրենական պատերազմին և թուրքիայի, Իրանի, Ֆրանսիայի, Անգլիայի կառավարող շրջանների հակաուսական զավթողական քաղաքականության ձախողումը Կովկասում:

1946-ին Մ. Ներսիսյանը պաշտպանեց դոկտորական դիսերտացիա՝ «Հայ ժողովրդի ազատագրական պայքարը թուրքական բռնապետության դեմ 1850–1870-ական թվականներին» թեմայով: Այդ դիտական ուսումնասիրությունը, որը լույս տեսավ 1955-ին, աչքի է ընկնում հիմնահարցերի խոր, բազմակողմանի վերլուծությամբ, մտքերի ու եզրակացությունների նորություններ և համարձակությամբ: Աշխատություն մեջ փաստական

Հարուստ նյութի հիման վրա հեղինակը ցույց է տալիս արևմտահայերի ծանր վիճակը 1850–1880-ական թվականներին, շարադրում նրանց հերոսական պայքարը, աղատագրական պայքարի ընթացքը, բացահայտում այդ շարժման կապերը հարևան ժողովուրդների հակասութանական ասպտամբուլոթյունների հետ, հայ ազատագրական պայքարի սոցիալ-դասակարգային բովանդակությունը և շարժիչ ուժերը, արևմտյան տերությունների հակահայկական, ռեակցիոն դիրքորոշումը, հայ ազատագրական պայքարի ռուսական կողմնորոշումը և այլն: Հիմնարար այդ աշխատության մեջ Մ. Ներսիսյանը ճշմարտացի դիրքերից լուսաբանեց մեր ժողովրդի տվյալ ժամանակաշրջանի պատմության հանդուգային շատ հարցեր, այդ թվում նաև Ռ. Պատկանյանի, Բաֆֆու, Գ. Արծրունու, Գ. Սրվանձտյանի և անցյալի նշանավոր այլ գործիչների առաջադիմական-դեմոկրատական գաղափարների դնահատման հարցերը: Հաստատապես կարելի է նշել, որ պատմաբանի այդ աշխատությունը համարձակ քայլ էր՝ ուղղված հիմնահարցի շուրջ ժամանակին ստեղծված քարացած, դոգմատիկ «տեսությունների» դեմ, որոնք դեռևս հաղթահարված չէին:

Մ. Ներսիսյանի մենագրությունը արժանիորեն բարձր գնահատական ստացավ ինչպես հանրապետական, այնպես էլ կենտրոնական մամուլում (ՀՍՍՀ ԳԱ «Տեղեկագիր», «Վոպրոսի իստորիի», «Սովետսկոյե վոստոկովե-գենիե» և այլն) և հիմք դրեց արևմտահայերի ազգային-ազատագրական պայքարի դիտական ուսումնասիրմանը խորհրդային պատմագրության մեջ: Հետագայում այդ հիմնահարցին անդրադարձան Մ. Ներսիսյանի ղեկավարությամբ աշխատող երիտասարդ մի շարք գիտնականներ ու պատմաբաններ:

1965 թ. հրատարակվեց Մ. Ներսիսյանի «Ժողովրդական հերոսը» հոդվածը, որտեղ խորհրդահայ պատմագրության մեջ առաջին անգամ ներկայացվեց մեծ հայրենասեր, անվեհեր պարտիզան-հայդուկ և տաղանդավոր զորավար Անդրանիկի պայծառ կերպարը, տրվեց նրա հերոսական կյանքի ճշմարտացի բնութագիրը: «Հայ ժողովրդի ազգային հերոսը, – ասված է հոդվածում, – շուրջ 30 տարի անընդմեջ պայքարեց սուլթանական արյունոտ բռնապետության դեմ, կազմակերպեց ու ղեկավարեց արևմտահայ գյուղացիության պաշտպանողական ազատագրական կռիվները՝ անփոփոխ կերպով դրսևորելով անօրինակ քաջություն և ռազմական հնարամտություն» («Սովետական Հայաստան», 25. II. 1965):

Ակադեմիկոս Մ. Ներսիսյանի նախաձեռնությամբ ու խմբագրությամբ 1966 թ. ռուսերեն լեզվով լույս տեսավ «Հայերի ցեղասպանությունը Օսմանյան թուրքիայում» հիմնարար ու բարձրարժեք փաստաթղթերի ժողովածուն, որտեղ հանգամանորեն ցույց է տրված սուլթան Աբդուլ Համիդի և երիտթուրքերի մասսայական կոտորածների արյունոտ քաղաքականությունն արևմտահայության նկատմամբ: Ժողովածուն բովանդակում է արխիվային բազմաթիվ նոր փաստաթղթեր, պաշտոնական կարևոր նյութեր և, ամենից առաջ, տարբեր պետությունների դեսպանների, արտգործնախարարների և քաղաքական այլ գործիչների գաղտնի զեկուլցագրեր, ականատեսների, այդ թվում՝ հայերի, արաբների, թուրքերի, ինչպես նաև եվրոպական միսիոներների վկայություններ:

ժողովածուն նոր լրացումներով, ռուսերեն լեզվով վերահրատարակվեց 1982-ին և լայն արձագանք գտավ բնթիրացողների շրջանում, իսկ 1991-ին այն լույս տեսավ հայերեն: Իր արտակարգ հարուստ ու բազմազան նյութերով՝ քաղված տարրեր աղբյուրներից (անլլիական, գերմանական, ֆրանսիական, սուսական, իսպանոկտոն, թուրքական, արաբական, հայկական և այլն), հայերի ցեղասպանությունը նվիրված այդ գիրքը արևմտահայերի մեծ ողբերգությունն նշանակալից գրավոր հուշարձան է:

Մ. Ներսիսյանը արժեքավոր մի շարք հոդվածներ է նվիրել հայոց պատմության սոցիալ-տնտեսական և քաղաքական Հիմնահարցերին, ինչպես նաև XVIII դարի երկրորդ կեսի և XIX դարի հասարակական գործիչներին ու հայ մշակույթի խոշոր ներկայացուցիչներին: Դրանցից հատկապես պետք է հիշատակել այնպիսի հոդվածներ, ինչպիսիք են «Ա. Վ. Սուվորովի հայ վիճակիցներն ու բարեկամները», «Արուսյանի առաջին հրատարակային ելույթը», «Առաջին հայ սոցիալիստ-ուտոպիստը (Դ. Դ. Ախչարումով)», «Հայաստանի սոցիալ-տնտեսական դրուժյունը 1860-80-ական թթ.», «Արևմտահայերի ազատագրական պայքարը թուրքական բռնապետության դեմ և արևմտյան տերությունները», «Պրոֆեսոր Լեոյի պատմագիտական ժառանգությունը» և այլն: Մ. Ներսիսյանի աշխատություններն առանձնանում են ինքնատիպությամբ, գիտական խորությամբ, հիմնահարցերի կարևորությամբ ու արդիականությամբ, եզրահանգումների ճշմարտացիությամբ: Դրանք լույս են սփռում մեր ժողովրդի պատմության բազմաթիվ կնճոռոտ հարցերի վրա:

1998 թ. լույս տեսավ ակադեմիկոս Մ. Ներսիսյանի «Պատմության կեղծարարները» աշխատությունը, ուր գետնիդրված են անվանի պատմաբանի վերջին տասնամյակում գրված պատմագիտական մի շարք հոդվածներն ու գիտական հաղորդումները:

Հայոց ցեղասպանության վերաբերյալ փաստաթղթերի հայտնաբերման ու հրատարակման բնագավառում պրպտումները Մ. Ներսիսյանը շարունակեց նաև Հետխորհրդային ժամանակաշրջանում: Այդ գործունեությունների հանրագումարը եղավ նրա նոր աշխատությունը՝ «Հայոց ցեղասպանության անհերքելի փաստաթղթեր» խորագրով, որը լույս էր ընծայվեց բազմավաստակ գիտնականի մահից հետո (2005 թ.):

Գիտահետազոտական տքնաշան գործունեությունը զուգահեռ Մ. Ներսիսյանը ներդրում ունի նաև մանկավարժական աշխատանքում. մի քանի տարի գլխավորել է Երևանի պետական համալսարանի հայոց պատմության ամբիոնը, դասավանդել Խ. Աբովյանի անվան հայկական պետական մանկավարժական ինստիտուտում, եղել շատ ասպիրանտների ու դոկտորանտների գիտական ղեկավարը: Նրա խմբագրությունը 1972 թ. լույս տեսավ «Հայ ժողովրդի պատմություն (հնագույն ժամանակներից մինչև մեր օրերը)» մեծարժեք գասագիրքը, իսկ 1980 թ. լույս տեսավ գրա ռուսերեն տարբերակը: Նա մասնակցել է նաև ուրիշ գասագրքերի ստեղծմանը:

Ականավոր գիտնականը միաժամանակ եղել է գիտություն խոշոր կազմակերպիչ, աշխատել է որպես հանրապետության գիտությունների ակադեմիայի Պատմության ինստիտուտի տնօրեն, հասարակական գիտությունների բաժանմունքի ակադեմիկոս քարտուղար, փոխպրեզիդենտ, Ակա-

ղեմիայի խմբագրական-հրատարակչական խորհրդի նախագահ, ԳԱ «Լրաբեր հասարակական գիտությունների» ամսագրի խմբագիր: Շուրջ 30 տարի եղել է Ակադեմիայի նախագահությունից անգամ:

Մ. Ներսիսյանի ջանքերով Ակադեմիայում ստեղծվեց արևելագիտությունից բաժինը, որը հետագայում վերածվեց ինստիտուտի:

1958-ին Ակադեմիայում Մ. Ներսիսյանը հիմնադրեց «Պատմա-բանասիրական հանդեսը» և, ինչպես վերը նշվեց, շուրջ 40 տարի եղավ նրա անփոփոխ գլխավոր խմբագիրը: Նրա ջանքերի շնորհիվ հանդեսը ձեռք բերեց համամիութենական ու համաշխարհային դիտական մեծ համարում:

1966–1967 թթ. Մ. Ներսիսյանը Երևանի պետական համալսարանի ռեկտորն էր: Նրա նախաձեռնությամբ ստեղծվեցին արևելագիտությունից ֆակուլտետը, հայագիտական կենտրոնը, հիմնադրվեցին «Բանբեր Երևանի համալսարանի» և «Երևանի համալսարան» պարբերականները:

Մ. Ներսիսյանը ԽՄԿԿ անդամ էր 1938-ից: Երկար տարիներ եղել է ՀԿԿ Կենտկոմի անդամ, ընտրվել ԽՍՀՄ Գերագույն խորհրդի երեք գումարումների (1966–1979 թթ.) և Հայկական ԽՍՀ Գերագույն խորհրդի պատգամավոր: Նա նաև դիտական և խմբագրական-հրատարակչական մի շարք խորհուրդների ու հանձնախմբերի անդամ էր:

Մ. Ներսիսյանը պարզևատրվել է Լենինի, Աշխատանքային Կարմիր դրոշի, Ժողովուրդների բարեկամության շքանշաններով ու բազմաթիվ մեդալներով, այդ թվում՝ բուլղարական «Գեորգի Դիմիտրով» մեդալով: «Մովսես Խորենացի» առաջին մեդալը շնորհվել է Մ. Ներսիսյանին:

Իբրև մեր խոսքի ամփոփում ներկայացնենք ակադեմիկոսի անձնական արխիվում պահպանվող երեք փաստաթուղթ, որոնք լավագույնս բնութագրում են Մ. Ներսիսյանին որպես գիտնական և մարդ: Գրանցից առաջինը Վիկտոր Համազասպի Համբարձումյանի նամակն է՝ հասցեագրված պատմաբանին, նրա ծննդյան 85-ամյակի առթիվ:

«Մեծարգո Մկրտիչ Գեղամի.

Մենք բոլորս լավ հիշում ենք, որ այս օրերին լրանում է Ձեր ծննդյան 85-ամյակը և շտապում ենք այդ առթիվ շնորհավորել Ձեզ: Կյանքի դժվարին պահերին շատ կարևոր էր պաշտպանել ճշմարտությունը, նույնիսկ բարձրաձայն արտահայտել այն, դա Դուք դրսևորեցիք գործի նկատմամբ ազնվադուրյն վերաբերմունքով, և մենք բոլորս, ովքեր դիտեն Ձեր սերը ճշմարտության նկատմամբ և Ձեր համարձակությունը, այսօր բերում ենք Ձեր անունը իբրև հասարակական գործչի և պատմաբանի օրինակ:

Իրոք, Հայաստանում հնարավոր է է լինել լավ պատմաբան և չլինել նշանավոր հասարակական գործիչ:

Ցանկանում եմ երկար տարիների կյանք, հաղթահարել սոսկ պայմանական հարյուրամյա սահմանադիժը և դիտական նոր հաջողությունների հետ միասին ուրախանալ հաջողություններով անձնական կյանքում:

Ձնայած առանձին մարդկանց մաղթանքներին սովորաբար ուղադրություն չեն դարձնում, մեր մաղթանքները, այսինքն՝ 90 կամ 100 տարիներին մոտեցողներինը, կարող են ունենալ որոշակի նշանակություն:

Այդ պատճառով ապրեցեք երկար և հաջողությամբ աշխատեք: Դա մեր լավագույն մաղթանքն է յուրաքանչյուր լուրջ և ազնիվ գիտնականին:

Այժմ ես քիչ եմ լինում Երևանում, ստիպյալ մենք, անտարակույս, կհանդիպենք և կփոխանակենք կյանքից ստացած մեր նոր տպավորությունները:

Առողջություն, առողջություն և արգասավոր գործունեություն:

12 նոյեմբերի, 1995 թ.

Վիկտոր Համբարձումյան»:

Մ. Ներսիսյանի մասին ԵՊՀ երկարամյա պրոռեկտոր, պրոֆեսոր Սեմյոն Տիգրանի Հախումյանն իր «Խոհեր անցյալի մասին» (Երևան, 2002) գրքում գրում է.

«Նա մեր հանրապետության հասարակական գիտության այն ներկայացուցիչներից էր, որին ամենայն իրավամբ կարելի է դասել Հայ գիտնականների փայլուն համաստեղության արժանավոր աշակերտների և ավանդույթները շարունակողների թվին, գիտություն այնպիսի կորիֆեյաների, ինչպիսիք են Հակոբ Մանանդյանը, Մանուկ Աբեղյանը, Հովսեփ Օրբելին, Հրաչյա Աճառյանը, Ստեփան Մալխասյանը:

70 տարիների ընթացքում նա հանգիստանում էր Հայ գիտական մտքի ակտիվ գործիչներից մեկը՝ մեծ ավանդ ներդրելով պատմական գիտություն մեջ, հատկապես լուսարանելով Հարազատ ժողովրդի պատմության դարպացման պլյասավոր փուլերը:

Նրա հետ աշխատելը հեշտ էր և, միաժամանակ, բավականաչափ դժվար ու բարդ: Հեշտ էր, որովհետև նա իր էությունը բացառիկ ազնվիկ և օրինավոր մարդ էր: Նրա մեջ տարօրինակ կերպով համատեղվում էին ինչ-որ, ես կասեի՝ մանկական պարզամտություն ու անմիջականություն, կենցաղային տարաբնույթ հանդամանքներին պրակտիկ անհարմարվողականության գծեր և, միաժամանակ՝ զարմանալի իմաստություն, որն, ըստ երևույթի, գալիս էր հայրենի հրկրի խորքերը գնացող նրա տոհմաբանական արմատներից»:

Այս կապակցությամբ արժե, թերևս, նշել, որ մայրական գծով Մ. Ներսիսյանի պասլը՝ քահանա Տեր Գևորգ Հայրապետյանը, հերոսաբար կռվել է Բաշ-Ապարանի ճակատամարտում, և նրա ցուցաբերած խիզախության մասին գրվել է ժամանակի մամուլում:

Իսկ ահա թե ինչ է գրում ռուս ակնավոր պատմաբան, ակադեմիկոս Մ. Վ. Նեչկինան՝ «Դեկաբրիստները Հայաստանում» գրքի ռուսերեն հրատարակության առթիվ.

«Մեծարգո Մկրտիչ Գեղամովիչ:

Սրտանց շնորհակալ եմ Ձեզանից՝ հրաշալի նվերի՝ «Դեկաբրիստները Հայաստանում» հիանալի գրքի համար, որը բազմակողմանիորեն լուսաբանում է տվյալ թեման: Այդ գրքի անհրաժեշտությունը շատ էր մեծ: Շնորհավորում եմ Ձեզ՝ նրա լույս ընծայման առթիվ: Ողջուն: Մ. Նեչկինա, 19 փետրվարի, 1976 թ.»: